



Broj: 01-33/16
Vareš, 29.02. 2016. godine

Z A P I S N I K
s 1. Tematske sjednice Općinskog vijeća Vareš,
održane 10.02. 2016. godine

Zdravko Marošević – predsjedavajući Općinskog vijeća Vareš, otvorio je 1. Tematsku sjednicu s početkom u 11,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Mahira Brkić, Tajiba Brkić, Asmir Čizmo, Zdenko Franjić, Osman Ibrišimović, Emir Islamović, Kenan Kamenjaš, Demo Kevrić, Mario Mirčić, Safeta Muftić, Elvir Rožajac, Jasmin Salketić, Zdravko Marošević, Tarik Kovač i Nikola Šimić.

Odsutni: Goran Selak i Mato Pavić.

Pored vijećnika sjednici prisustvuju: Općinski načelnik – gosp. Avdija Kovačević, sekretar Općinskog vijeća – gosp. Leon Pavlović, pomoćnici općinskog načelnika, ispred Ministarstva za privredu ZDK – gosp. Osman Buza i gosp. Nermin Čosić, većinski vlasnik TRD-a – gosp. Sonia Nanut., v.d. direktorica TRD-a – gosp. Sevlidina Gondžo, predsjednik Sindikata radnika TRD-a – gosp. Hercegovac Ibro, ispred samoorganizovanih radnika TRD-a - gosp. Nail Alihidžić, gosp. Likić Mujčin, gosp. Šurkić Stjepan i ostali radnici, predstavnik OSCE – gosp. Daut Bajramović, predsjednici političkih stranaka i mediji.

Predsjedavajući OV otvorio je 1. Tematsku sjednicu Općinskog vijeća Vareš i upoznao prisutne da je na Kolegiju OV nakon 33. sjednice OV, dogovoreno da se 1. Tematska sjednica održi 10.02.2016. godine, a u vezi problematike u TRD-a Vareš.

Predsjedavajući OV stavio je na raspravu prijedlog dnevnog reda za 1. Tematsku. sjednicu OV koji je usaglašen na Kolegiju Općinskog vijeća.

Nije bilo učesnika u raspravi i predsjedavajući OV stavio je na izjašnjanje prijedlog dnevnog reda za 1. Tematsku sjednicu OV.

Nakon izjašnjanja vijećnika predsjedavajući OV konstatuje da je **jednoglasno (17 glasova „ZA“) usvojen s l i j e d e ć i**

D n e v n i r e d :

1. Informacija o stanju u TRD Vareš.

Ad. 1.
(Informacija o stanju u TRD Vareš.)

Predsjedavajući OV u svom uvodnom obraćanju upoznao je prisutne da je na osnovu inicijative zamjenice predsjedavajućeg gosp. Mahire Brkić otvoreno pitanje o stanju u TRD Vareš, a u vezi sa zahtjevom radnika koji su stekli pravo za mirovinu. Zamolio je sve prisutne da se rasprava na današnjoj sjednici vodi u tom pravcu, odnosno o stanju u TRD o čemu je dao i pojašnjenje.

Predsjedavajući OV otvorio je raspravu po ovoj tački dnevnog reda.

Za riječ se javio Općinski načelnik Kovačević Avdija koji je u svom obraćanju upoznao prisutne sa sadržajem „Informacije o provedenoj privatizaciji Tvornice rezervnih dijelova d.d. Vareš“ broj: 02-127/16 od 10.02.2016. godine, koja je urađena na osnovu dostupnih informacija i dokumentacije sa kojom raspolaže JOO Općine Vareš. Informacija je dostavljena svim vijećnicima i prisutnim pozvanim gostima. U Informaciji je prezentovan provedeni postupak privatizacije TRD-a Vareš kao i ukupna dugovanja preduzeća po osnovu neplaćenih poreza i doprinosa PIO/MIO i ZZO. Općinski načelnik uz dato pojašnjenje ponudio je Općinskom vijeću na razmatranje i usvajanje slijedeći set

Zaključaka:

1. Održati hitan sastanak sa vlasnikom kapitala Preduzeća TRD-a Vareš i dogovoriti zajednički plan i program za ozdravljenje Preduzeća, (restruktuiranje, dokapitalizacija, prodaja dijelova Preduzeća, otkup duga, traženje strateškog ili strateških partnera i slično).
2. Tražiti od Vlade FBiH i Parlamenta FBiH, da što je moguće prije usvoje sistemski rješenja koja će na adekvatan način uobziriti i riješiti prava na penziju i zdravstveno osiguranje zaposlenika, koji na to imaju pravo, uključivo i zaposlenike TRD-a Vareš.
3. Ukoliko neki od zaposlenika TRD-a Vareš, sa pravomoćnim sudskim presudama, žele pokrenuti na zakonu utemeljen stečaj TRD-a Vareš, JOO Vareš će podržati tu aktivnost samo pod uvjetom da svi zaposlenici TRD-a Vareš, svojom ovjerenom i potpisanim izjavom podrže stečaj kao način ozdravljenja Preduzeća.

Na kraju svog izlaganja još jednom je skrenuo pažnju da je vrlo važno da se u narednim danima organizuje hitan sastanak vlasnika kapitala zajedno sa ljudima za koje smatraju da su im potrebni, kako bi se našao modalitet za ozdravljenje TRD-a Vareš.

U vezi ranije zakazanih obaveza Općinski načelnik izjavio je da ne može prisustvovati nastavku sjednice i zamolio je vijećnike i goste uz dato pojašnjenje da imaju razumijevanja za isto.

Za riječ se javio gosp. Alihodžić Nail predstavnik radnika TRD-a koji su stekli uslove za penziju. U svom obraćanju iznio je mišljenje i stavove u vezi stanja u TRD –a, upoznao je prisutne o aktivnostima koje su radnici pokrenuli u vezi rješavanja problema radno pravnog statusa, zbog neplaćenih doprinosa i poreza od strane menadžmenta TRD-a za radnike koji su stekli uslove za penziju. Traži da se što hitnije riješi njihov radno pravni status.

Predsjednik Sindikata radnika TRD-a gosp. Hercegovac Ibro u svom obraćanju izjavio je da je Sindikat od 2006. godine ukazivao menadžmentu na problem neplaćivanja doprinosa za radnike. Također je izjavio da Sindikat daje podršku i podržava zahtjeve samoorganizovanih radnika koji su stekli uslove za penziju. Upoznao je prisutne za donesenim zaključcima na Zboru radnika održanom 04.02.2016. godine i to:

1. Raskid Ugovora sa postojećim vlasnikom u slučaju da vlasnik ne može izaći na kraj sa ovim problemima.
2. Podnošenje krivičnih prijava protiv Agencije za privatizaciju ZDK, Poreske uprave ZDK, Nadzornog odbora preduzeća TRD-a Vareš, direktora koji su obavljali funkciju direktora od 2004. godine do danas. (u zahtjevu tražiti povrat stečene imovine u tim godinama koje su proveli u TRD)

Za riječ se javila zamjenica predsjedavajućeg OV gosp. Mahira Brkić i iznijela lično mišljenje na diskusiju sa radnicima (u vezi stečaja) prilikom posjete vijećnika Tvornici rezervnih

dijelova Vareš. U svom izlaganju uputila je nekoliko pitanja predstavnicima TRD-a i zatražila odgovor na iste kako bi se došlo do kvalitetnog zaključka kojim će biti zadovoljeni zaposlenici TRD-a tako i zaposlenici koji su ispunili pravo za penzionisanje.

Za riječ se javio vijećnik gosp. Mario Mirčić koji je u svom obraćanju i na osnovu izlaganja predsjednika Sindikata i predstavnika samoorganizovanih radnika postavio nekoliko pitanja menadžmentu TRD-a.

Za riječ se javila vijećnica gosp. Safeta Muftić koja je u svom obraćanju dala lično mišljenje u vezi posjete vijećnika TRD-a i trenutnog stanja i uputila nekoliko pitanja v.d.direktorici i vlasnici TRD-a, te zatražila odgovor na ista.

Zamjenica predsjedavajućeg OV gosp. Mahira Brkić nastavila je vođenje današnje sjednice.

Za riječ se javio vijećnik gosp. Elvir Rožajac koji je u svom obraćanju iznio lično mišljenje u vezi problema radnika i stanja u TRD-a kao i o odnosu viših nivoa vlasti prema istom.

Za riječ se javio vijećnik gosp. Đemo Kevrić koji je u svom obraćanju ispred Kluba BPS izjavio da Klub podržava prijedlog Zaključaka broj 1. i 2. , koji su predloženi u Informaciju od strane Općinskog načelnika, a Zaključak broj 3. u potpunosti odbacuje. Postavio je pitanja v.d. direktorici i većinskom vlasniku TRD-a.

Za riječ se javio vijećnik gosp. Boško Andrić koji je u svom obraćanju iznio mišljenje o provedenoj privatizaciji TRD-a i problemima radnika.

Za riječ se javio vijećnik gosp. Kenan Kamenjaš koji je iznio lično mišljenje u vezi dešavanja u TRD-a i stanja u istoj.

Za riječ se javila vijećnica gosp. Tajiba Brkić koja je u svom obraćanju skrenula pažnju menadžmentu na problem radnika u vezi liječenja, zbog neuplaćenih obaveza za zdravstveno.

Za riječ se javio vijećnik gosp. Zdenko Franjić koji je u svom obraćanju iznio stav Kluba SDP da na današnjoj sjednici, a isključivo u interesu radnika, iznađe se rješenje koje će biti daleko od predloženog stečajnog postupka od strane Općinskog načelnika.

Za riječ se javio vijećnik gosp. Ismet Abdulahović koji je u svom obraćanju, kao i prethodni vijećnici, pozvao radnike TRD-a da budu jedinstveni u svojim stavovima. Iznio je lično mišljenje u vezi problema radnika, poslovanja vlasnika TRD-a i stanja u istoj.

Predsjedavajući OV gosp. Zdravko Marošević dao je riječ pomoćniku ministra za privredu ZDK gosp. Buza Osmanu.

Gosp. Buza Osman u svom obraćanju, na osnovu diskusija u raspravi, predložio da jedan od zaključaka bude revizija privatizacije TRD-a. O istom je dao pojašnjenje i iznio pozitivno mišljenje o opremljenosti TRD-a.

U daljnjoj raspravi su učestvovali vijećnici: Mario Mirčić koji je dao komentar na prijedlog gosp. Osmana Buze, Emir Islamović i Tarik Kovač koji su iznijeli svoje mišljenje o problematici u TRD-a i uputili pitanja menadžmentu TRD-a.

Za riječ se javila v.d. direktorica gosp. Sevledina Gondžo i u svom obraćanju zahvalila se svima koji su se odazvali pozivu i obišli TRD-a 10.02.2016. godine. Dala je komentar na preloženi prijedlog zaključka da zaposlenici sa pravomoćnim sudskim presudama pokrenu stečaj, s ciljem sistemskog rješenja problema, u čemu će im pomoći Općina Vareš. Upoznala je prisutne sa pokrenutim aktivnostima u vezi rješavanja problema u kojima se nalazi TRD-a. U svom izlaganju dala je odgovore na postavljena pitanja vijećnika u raspravi (porezne obaveze, neizmirene plaće, status firme „Consider“, inspeksijske kontrole, vlasničku strukturu i imovinu TRD-a, problem penzionisanja radnika, liječenja radnika, obim ugovorenih poslova firme).

U toku izlaganja gosp. Sevledine Gondžo, predsjedavajući OV gosp Zdravko Marošević skrenuo je pažnju prisutnima na red na sjednici i poštivanje Poslovnika o radu OV i sugerisao učesnicima u raspravi da se diskusije vode u pravcu donošenja konkretnih zaključaka u cilju rješavanja problema radnika.

Prisutnima se obratila gosp. Sonia Nanut predstavnik većinskog vlasnika firme i u svom obraćanju izjavila da je svjesna situacije i problematike u TRD-a. Zahvalila se Općini i Općinskom

vijeću za učešće u rješavanju nastalog problema u TRD-a. Upoznala je prisutne o poslovanju firme i izjavila da na osnovu ostvarenih prihoda, firma nije bila u mogućnosti izmiriti doprinose za radnike. Također je upoznala prisutne sa ugovorenim poslovima sa Iranom i dala pojašnjenje o istom.

Gosp. Sevledina Gondžo dala je odgovore na neka postavljena pitanja gosp. Mahire Brkić koja se odnose na TRD-a, te izjavila da za određena pitanja, gosp. Mahira pošalje pismeni upit na koji će biti odgovoreno o čemu je dala i pojašnjenje. Dala je odgovore na postavljena pitanja vijećnika Maria Mirčić koja se odnose na uplatu doprinosa za dva radnika koji su stekli uslove za penziju.

Predsjedavajući OV ponovo je skrenuo pažnju na red u toku sjednice.

Gosp. Sonia Nanut odgovorila je na neka pitanja vijećnika postavljena u raspravi od strane vijećnika Đeme Kevrić, koja se odnose na uplatu doprinosa za radnike i poslove za Iranom.

Predsjedavajući OV gosp. Zdravko Marošević iznio je mišljenje o kršenju zakona u vezi neplaćanja doprinosa i poreza.

Za riječ se javio gosp. Likić Mujčin koji je u svom obraćanju iznio svoje lične probleme zbog neuplaćenih doprinosa i nemogućnosti ostvarivanja svojih prava. Nezadovoljan je odnosom direktorice prema njemu o čemu je dao pojašnjenje.

Predsjedavajući OV ponovo je skrenuo pažnju na određene diskusije. Zamolio sve prisutne da se rasprava vodi u cilju donošenja određenih zaključaka za rješavanje problema radnika koji se nalaze u veoma teškoj situaciji.

Gosp. Sevledina Gondžo javila se za riječ u vezi diskusije u raspravi gosp. Likić Mujčina i dala komentar i pojašnjenje na istu.

Za riječ se javio gosp. Eskić Hasan koji je u svom obraćanju iznio lično mišljenje u vezi problema i stanja u TRD-a, odnosa nadležnih državnih institucija, kao i o aktivnostima koje su radnici pokretali u vezi rješavanja istih.

Zamjenica predsjedavajućeg OV gosp. Mahira Brkić nastavila je vođenje današnje sjednice.

Dala je pojašnjenje, u vezi konstatacije pojedinaca, zašto su postavljana određena pitanja u raspravi. Iznijela je svoje lično mišljenje u vezi davanja odgovora i komentara na pitanja koja je postavila direktorici i većinskom vlasniku TRD-a o čemu je dala i pojašnjenje.

Za riječ se javio gosp. Josipović Ranko bivši radnik TRD-a koji je u svom obraćanju iznio svoje probleme zbog neuplaćenih doprinosa i nemogućnosti ostvarivanja svojih prava-penzionisanja.

Za riječ se javio vijećnik gosp. Mario Mirčić koji je ispred Kluba Hrvatske koalicije, u vezi predloženog seta zaključaka u materijalu-Informaciji, predložio:

-da se u prijedlogu zaključka broj 1. iza riječi „*Preduzeća TRD Vareš*“ dodaju riječi „*sa akcentom na izmirenje obaveza za radnike koji su stekli uvjete za mirovinu*“, ostali tekst ostaje isti, te da se o prijedlogu zaključka broj 3. ne izjašnjava. O predloženom je dao pojašnjenje.

Za riječ se javio gosp. Nail Alihodžić i izjavio da je razočaran diskusijom direktorice i predstavnikom većinskog vlasnika TRD-a. O istom je dao pojašnjenje i ispred samoorganizovanih radnika izjavio da ne prihvata prijedlog za otpis kamata sto je zakonom predviđeno, te da samoorganizovani radnici neće odustati od svojih zahtjeva i da ce od viših instanci tražiti rješavanje istih.

Za riječ se javio vijećnik gosp. Đemo Kevrić koji je predložio da *Općinsko vijeće obaveže menadžment i većinskog vlasnika TRD-a, da u roku od 60 dana iznađe mogućnost izmirenja dugovanja za uposlene, a ako se ništa ne riješi u tom periodu, hitno nakon 60 dana pokrenuti raskid ugovora o kupoprodaji TRD-a sa većinskim vlasnikom*“. O predloženom je dao pojašnjenje.

Za riječ se javio vijećnik gosp. Elvir Rožajac koji je sugerisao da osim rješavanja problema samoorganizovanih radnika, treba uzeti u obzir i probleme ostalih zaposlenika u TRD-a.

Za riječ se javio gosp. Šurkić Stjepan i iznio mišljenje o cjelokupnoj situaciji i problemima radnika u TRD-a, kao i o diskusiji gosp. Sonie Nanut o poslovanju TRD-a.

Zamjenica predsjedavajućeg OV gosp. Mahira Brkić na osnovu diskusija u raspravi izjavila je da će Vijeću predložiti prijedloge Zaključaka.

Vijećnik Kenan Kamenjaš sugerisao je da se u obzir uzmu i razmotre prijedlozi Sindikata radnika TRD-a i zatražio od menadžmenta i direktorice TRD-a da za govornicom odgovore do kad će se uplatiti doprinosi za dva radnika (Likić Mujčin i Josipović Ranko).

Zamjenica predsjedavajućeg OV gosp. Mahira Brkić uz dato pojašnjenje predložila je slijedeće prijedloge

Zaključaka:

1. Uputiti urgenciju menadžmentu i većinskom vlasniku TRD-a da u roku od najduže 60 dana izvrši uplatu doprinosa za zaposlenike koji su ispunili uslov za penzionisanje (dva zaposlenika)
2. Oformiti radno tijelo formirano od članova zakonodavne vlasti, izvršne vlasti, zaposlenika TRD-a i samoorganizovanih radnika koji bi učestvovali direktno u pronalaženju rješenja za novonastalu situaciju TRD-a. Novoformirano radno tijelo održati sastanak sa trenutnim vlasnikom TRD-a i menadžmentom firme, zbog mogućnosti eventualne dokapitalizacije, odnosno mogućnosti prodaje preduzeća novom vlasniku
3. Uputiti urgenciju Vladi FBiH i Parlamentu FBiH da što prije usvoje sistematsko rješenje koje će na adekvatan način riješiti prava na penziona i zdravstveno osiguranje zaposlenika.
4. Uputiti zahtjev Tužilaštvu ZDK da se aktivno uključi i ispita poslovanje TRD-a od momenta privatizacije pa do danas i da se da eventualni nalog istražnim organima za istražne radnje.
5. Da Općinsko vijeće uputi urgenciju resornom ministarstvu za moguće učešće Vlade FBiH u penzionisanju radnika (po primjeru „Krivaje“ Zavidovići)

Predsjedavajući OV gosp. Zdravko Marošević izjavio je da Vijeće može podržati Zaključke Sindikata, napomenuo je da je TRD-a privatna firma i da mora poštovati zakone.

Predsjedavajući OV dao je pauzu u trajanju 15 radi usaglašavanja predloženih zaključaka vijećnika, Klubova vijećnika, Sindikata i samoorganizovanih radnika.

Nastavljeno je sa radom današnje sjednice.

Zamjenica predsjedavajućeg OV gosp. Mahira Brkić nakon pauze upoznala je prisutne sa prijedlogom zaključaka.

Predsjedavajući OV gosp. Zdravko Marošević stavio je na pojedinačno izjašnjavanje slijedeće prijedloge

Zaključaka:

- 1. Uputiti Urgenciju menadžmentu i većinskom vlasniku TRD-a Vareš da u roku od najduže 60 dana izvrši uplatu doprinosa za zaposlenike koji su ispunili uslov za penzionisanje (dva zaposlenika);**

Nakon izjašnjavanja vijećnika predsjedavajući OV konstatuje da je **jednoglasno (16 glasova „ZA“)** usvojen predloženi Zaključak.

- 2. Oformiti radno tijelo formirano od Načelnika Općine, Predsjedavajućeg Općinskog vijeća, gosp. Ibri Hercegovca kao predsjednika sindikata TRD-a, gosp. Naila Alihodžića – kao predstavnika samoorganizovanih zaposlenika koji bi učestvovali direktno u pronalaženju rješenja za novonastalu situaciju u TRD-u. (Rok 60 dana);**

Nakon izjašnjavanja vijećnika predsjedavajući OV konstatuje da je sa **14 glasova „ZA“, 1 glasom „PROTIV“ i 1 „SUZDRŽANIM“ glasom usvojen predloženi Zaključak.**

- 3. Novoformljeno radno tijelo održati što hitnije sastanak (u roku od 10 dana) sa vlasnikom kapitala TRD-a i menadžmentom firme zbog mogućnosti eventualne dokapitalizacije, odnosno mogućnosti prodaje preduzeća novom vlasniku;**

Nakon izjašnjavanja vijećnika predsjedavajući OV konstatuje da je sa **13 glasova „ZA“**, 1 glasom „**PROTIV**“ i 2 „**SUZDRŽANA**“ glasa usvojen predloženi Zaključak.

- 4. Uputiti urgenciju Vladi FBiH i Parlamentu FBiH da što prije usvoje sistemska rješenja koja će na adekvatan način riješiti prava na penziona i zdravstveno osiguranje zaposlenika. Urgenciju uputiti u roku od 10 dana.**

Nakon izjašnjavanja vijećnika predsjedavajući OV konstatuje da je **jednoglasno (16 glasova „ZA“)** usvojen predloženi Zaključak.

- 5. Podržavamo zaključke Sindikata koji su prezentovani na Tematskoj sjednici Općinskog vijeća i samoorganizovanih radnika TRD-a Vareš.**

Nakon izjašnjavanja vijećnika predsjedavajući OV konstatuje da je **jednoglasno (16 glasova „ZA“)** usvojen predloženi Zaključak.

- 6. Ukoliko se ne ispoštuje Zaključak pod rednim brojem 1. uputiti zahtjev Tužilaštvu ZDK da se aktivno uključi i ispita poslovanje TRD-a Vareš od momenta privatizacije do danas i da se da eventualni nalog istražnim organima za istražne radnje.**

Nakon izjašnjavanja vijećnika predsjedavajući OV konstatuje da je **jednoglasno (16 glasova „ZA“)** usvojen predloženi Zaključak.

Sastavni dio ovog Zapisnika je audio zapis sjednice.

Sjednica je završena u 16,15 sati.

S E K R E T A R

Leon Pavlović

ZAPISNIČAR

Azra Ibrahimović

**PREDSJEDAVAJUĆI
OPĆINSKOG VIJEĆA**

Zdravko Marošević